

乙:講起來,父母對咱的恩情實在是天~大~地~大~,佛教有一部《父母恩重難報經》,
佛陀現身說法,講 ká 誠詳細誠有道理,有機會會使提來看覓咧,咱「母親節」
ka「父親節」ài 好好仔感恩父母。

甲:毋管是「父親節、母親節」攞只有一工,敢講其他 363 工就免感謝父母是否?

乙:「土地公廟的榕仔」無錯!毋過,你是毋通做「五百錢豬仔」。

甲:「五百錢豬仔」,啥物意思?

乙:揸一支嘴爾 (niânn)。

甲:對!對!對!愛講會到做會到,咱除了母親節要感恩以外,閣愛時常感念父母恩
情,莫予序大人為咱操煩。

甲、乙:今仔日,咱著佇茲祝福世間所有的父母逐工攞勇勇健健、快快樂樂!無煩無
惱。

甲、乙:真會唱、好聰明,下台鞠躬,多謝!努力!